

四庫全書

史部

欽定四庫全書

史部

水經注卷三十三至  
五

詳校官監察御史臣周元良

刑部郎中臣許兆椿覆勘

總校官庶吉士臣何思鈞

校對官中書臣葉蘭

謄錄監生臣王廷璧

謄錄監生臣李師弼

欽定四庫全書

水經注卷三十三

魏 鄒道元 撰

江水

案近刻作江水一原本無一二三等字

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼外

江水所導也益州記曰大江泉源即今所聞始發羊

膊嶺下緣崖散漫小水百數

案水近刻訛作大

殆未濫觴矣

東南下百餘里至白馬嶺而歷天彭關亦謂之為天

彭谷也

案近刻脫彭字

秦昭王以李冰為蜀守冰見氐道縣

有天彭山兩山相對其形如闕謂之天彭門亦曰天

彭闕江水自此已上至微弱所謂發源濫觴者也漢

元延中

案元延近刻訛作延平

岷山崩壅江水三日不流揚雄

反離騷云自岷山投諸江流以平屈原名曰反騷也

江水自天彭關東逕汶關而歷氐道縣北

案此十六字原本及

近刻並訛作經

漢武帝元鼎六年

案近刻訛作元封四年

分蜀郡北

置汶山郡以統之縣本秦始皇置後為昇遷縣也益

州記曰自白馬嶺回行二十餘里至龍涸

案十近刻  
訛作千

又八十里至蠶陵縣

案蠶近刻  
訛作西

又南下六十里至石

鏡又六十餘里而至北部始百許步又西百二十餘

里至汶山故郡乃廣二百餘步又西南百八十里至

溼坂

案溼近刻  
訛作濕

江稍大矣故其精則井絡瀝曜江漢

晒靈河圖括地象曰岷山之精上為井絡帝以會昌

神以建福故書曰岷山導江泉流深遠盛為四瀆之

首廣雅曰江貢也風俗通曰出珍物可貢獻釋名曰

江共也小水流入其中所公共也東北百四十里曰

峽山

案近刻脫曰字

中江所出東注于大江峽山邛峽山也

在漢嘉嚴道縣一曰新道南山

案近刻說作山南

有九折坂

夏則凝冰冬則毒寒王陽按轡處也

案近刻王下衍子字

平恒

言是中江所出矣郭景純江賦曰流二江于岷峽又

東百五十里曰岷山北江所出東注于大江山海經

曰岷山江水出焉東注大江其中多怪蛇江水又逕

汶江道汶出徼外崕山西玉輪坂下而南行又東逕其縣而東注于大江故蘓代告楚曰蜀地之甲浮船

于汶乘夏水而下江五日而至郢謂是水也又有湍

水入焉

案此六字原本及近刻並訛作經

水出綿虎道

案近刻脫虎字

亦曰

綿虎縣之玉壘山

案虎近刻訛作夷

呂忱云一曰半浣水也

下注江江水又東別為沱

案此七字原本及近刻並訛作經

開明之

所鑿也郭景純所謂玉壘作東別之標者也縣即汶

山郡治劉備之所置也渡江有笮橋江水又歷都安

縣

案此七字原本及近刻並訛作經

縣有桃關漢武帝祠李冰作大

堰于此壅江作棚

案近刻訛作堰于江作崩

棚有左右口謂之崩

棚江入郫江檢江以行舟益州記曰江至都安堰其

右檢其左其正流遂東郫江之右也因山頽水坐致

竹木以溉諸郡又穿羊摩江灌江

案近刻脫穿字

西于五女

房下白沙郵

案三字上近刻有于字又訛在下句作三石人之下

作三石人立

水中刻要江神水竭不至足盛不沒肩

案近刻訛作要是以

蜀人旱則藉以為溉雨則不過其流故記曰水旱從

人不知饑饉沃野千里世號陸海謂之天府也郵在

堰上

案堰下近刻衍官字又訛在前立水中上

俗謂之都安大堰

案大近刻訛作

之

亦曰湔堰又謂之金堤

案近刻脫之字

左思蜀都賦云西

踰金堤者也諸葛亮北征以此堰農本國之所資以

征丁千二百人主護之有堰官益州刺史皇甫晏至

都安屯觀坂從事何旅曰今所安營地名觀坂上觀

下反

案此四字近刻作自上觀下反上之象八字

其徵不祥不從果為牙

門張和所殺江水又逕臨邛縣王莽之監邛也縣有

火井鹽水昏夜之時光興上照江水又逕江原縣

案原

近刻記作鄉

王莽更名邛原也鄴江水出焉江水又東北

逕邛縣下縣民有姚精者為叛夷所殺掠其二女二  
女見夢其兄當以明日自沈江中喪後日當至可伺  
候之果如所夢得二女之尸于水郡縣表異焉江水  
又東逕成都縣縣以漢武帝元鼎二年立縣有二江  
雙流郡下故揚子雲蜀都賦曰兩江珥其前者也風  
俗通曰秦昭王使李冰為蜀守開成都兩江溉田萬

頃江神歲取童女二人為婦

案近刻脫江字

冰以其女與神

為婚徑至神祠勸神酒酒杯恒澹澹冰厲聲以責之

因忽不見良久有兩牛鬪于江岸旁有間冰還流汗

謂官屬曰吾鬪大亟

案近刻作疲極

當相助也南向腰中正

白者我綬也主簿刺殺北面者江神遂死蜀人慕其

氣決凡壯健者因名冰兒也秦惠王二十七年遣張

儀與司馬錯等滅蜀遂置蜀郡焉王莽改之曰導江

也儀築成都以象咸陽晉太康中蜀郡為王國更為

成都內史益州刺史治地理風俗記曰華陽黑水惟  
梁州漢武帝元朔二年改梁曰益州以新啟犍為牂  
柯越舊州之疆壤益廣故稱益云初治廣漢之雒縣  
後乃徙此故李固與弟圖書曰固今年五十七鬢髮  
已白所謂容身而遊滿腹而去案謂近刻  
訛作為周觀天下  
獨未見益州耳昔嚴夫子常言經有五涉其四州有  
九遊其八欲類此子矣初張儀築城取土處去城十  
里因以養魚今萬頃池是也城北又有龍堤池城東

有千秋池西有柳池西北有天井池津流徑通冬夏

不竭西南兩江有七橋直西門郾江上曰冲治橋

案近

刻脫上曰二字治記作里

西南石牛門曰市橋吳漢入蜀自廣都

令輕騎先往焚之橋下謂之石犀淵李冰昔作石犀

五頭以厭水精穿石犀渠于南江命之曰犀牛里後

轉犀牛二頭一頭在府市市橋門

案此八字近刻記作在府中一頭在

市橋一頭沈之于淵也大城南門曰江橋橋南曰萬里

橋西上曰夷星橋

案近刻脫星字

下曰笮橋

案笮近刻訛作笮

南岸

道東有文學始文翁為蜀守立講堂作石室于南城

永初後學堂遇火後守更增二石室後州奪郡學移

夷星橋南岸道東

案近刻脫此五字作移夷里三字

道西城

案近刻脫城字

故錦官也言錦工織錦則濯之江流而錦至鮮明濯

以他江

案他近刻訛作沱

則錦色弱矣遂命之為錦里也蜀

有迴復水江神嘗溺殺人文翁為守祠之勸酒不盡

拔劍擊之遂不為害江水東逕廣都縣漢武帝元朔

二年置王莽之就都亭也李冰識察水脈穿縣鹽井

江西有望川原

案近刻訛作有望  
望穿脫原字

鑿山崖度水

案近刻  
脫崖字

結諸陂池故盛養生之饒即南江也又從沖治橋北

折案治近刻  
訛作里

曰長昇橋城北十里曰昇僊橋

案近刻  
僊訛作

遷脫  
橋字

有送客觀司馬相如將入長安題其門曰不乘

高車駟馬不過汝下也後入邛蜀果如志焉李冰沿

水造橋上應七宿故世祖謂吳漢曰安軍宜在七橋

連星間漢自廣都乘勝進逼成都與其副劉尚南北

相望夾江為營浮橋相對公孫述使謝豐揚軍市橋

出漢後襲破漢墜馬落水緣馬尾得出入壁命將夜

潛渡江就尚擊豐斬之于是水之陰江北則左對繁

田文翁又穿湍洩以溉灌繁田千七百頃湍水又東

絕綿洛

案湍近刻  
訛作江

逕五城界至廣都北岸南入于江

謂之五城水口斯為北江江水又東至南安為壁玉

津故左思云東越玉津也

又東南過犍為武陽縣青衣水沫水從西南來合而注

之

案沫近刻

訛作沫

縣故大夜郎國漢武帝建元六年開置郡縣

案近刻作漢武

帝開道置以

為縣九字 太初四年益州刺史任安城武陽

案此下近

刻有建元六年置五字係上文脫誤在此

王莽更名郡曰西順

案近刻脫郡曰二字

縣曰戢成光武謂之士大夫郡有鄴江入焉出江原

縣

案原近刻作源

首受大江東南流至武陽縣注于江縣下

江上

案江近刻訛作注

舊有大橋廣一里半謂之安漢橋水

盛歲壞民苦治功後太守李嚴鑿天社山

案近刻訛作大注山

尋江通道此橋遂廢縣有赤水下注江建安二十九

年有黃龍見此水九日方去此縣藉江為大堰開六水門用灌郡下北山昔者王喬所升之山也江水又與文井江會李冰所導也自葑道與濛溪分水至蜀郡臨邛縣與布僕水合水出徼外成都西沈黎郡漢

武元封四年以蜀都西部邛葑邛

案此十四字外誤不可通當作漢武

帝元鼎六年以蜀郡西部葑都置漢書武帝本紀可證不得繫之元封四年也又越雋郡治邛都沈黎郡治葑都不得兼言邛葑明矣葑都即葑牛縣亦曰葑牛道天漢四年罷沈黎郡置都尉仍治葑牛其縣隸蜀郡故城在今雅州府清溪縣南理葑牛道天漢四年置都尉主外

羌在邛崃山表

案崃近刻  
說作來

自蜀西度邛笮

案華陽國  
志邛崃山

本名邛笮故邛  
人笮人界也

其道至險

案近刻  
脫道字

有弄棟八渡之難

揚母閣路之阻水從縣西布僕來分為二流一水逕

其道又東逕臨邛縣入文井水文井水又東逕江原

縣

案原近刻  
說作都

縣濱文井江江上有常氏堤跨四十里

案近刻作有長  
堤堤跨四十里

有朱亭亭南有青城山山上有嘉穀

山下有蹲鴟即芋也所謂下有蹲鴟至老不饑卓氏

之所以樂遠徙也文井江又東至武陽縣天社山下

入江其一水南逕越嶲邛都縣西東南至雲南郡之

青蛉縣入于僕

案近刻脫此三字

郡本雲川地也蜀建興三

年置僕水又南逕永昌郡邪龍縣而與貪水合水出

青蛉縣上承青蛉水逕葉榆縣又東南至邪龍入于

僕僕水又逕寧州建寧郡

案近刻訛作縣

州故庾隆都督屯

故南人謂之屯下

案入近刻訛作入

劉禪建興三年分益州

郡置歷雙柏縣即水入焉水出秦臧縣牛蘭山南流

至雙柏縣東注僕水又東至來唯縣入勞水水出徽

外東逕其縣與僕水合僕水東至交州交趾郡卷冷

系案卷原本及近刻並訛作麓漢書今本亦  
縣說文云卷從米尼聲交趾有卷冷縣

南流入

于海江水自武陽東至彭亡聚昔岑彭與吳漢游江

水入蜀軍次是地知而惡之會日暮不移遂為刺客

所害謂之平模水亦曰外水

案模近刻訛作漢  
亦字訛在謂之上

此地

有彭冢言彭祖冢焉江水又東南逕南安縣西有熊

耳峽連山競險接嶺爭高漢河平中山崩地震江水

逆流懸漑有灘名壘坻

案華陽國  
志作雷垣

亦曰鹽漑

案近刻  
訛作監

澆李冰所平也縣治青衣江會衿帶二水矣即蜀王

開明故治也來敏本蜀論曰荆人斃令死其尸隨水上荆人求之不得令至汶山下復生起見望帝望帝者杜宇也從天下女子朱利自江源出為宇妻遂王子蜀號曰望帝望帝立以為相時巫山峽而蜀水不流帝使令鑿巫峽通水蜀得陸處望帝自以德不若遂以國禪號曰開明縣南有峨眉山有濛水即大渡水也水發蒙溪

案近刻訛作漢

東南流與泝水合水出徼外

逕汶江道呂忱曰澺水出蜀

案澺近刻  
訛作澺

許慎以為澺

水也出蜀汶江徼外

案近刻脫  
此六字

從水我聲南至南安

入大渡水大渡水又東入江故山海經曰濛水出漢陽西入江瀟陽西

又東南過棘道縣北若水淹水合從西來注之又東渚

水北流注之

案渚近刻  
訛作注

縣本棘人居之地理風俗記曰夷中最仁有仁道故字從人秦紀所謂棘僮之富者也

案近刻  
脫所字

其邑高后

六年城之漢武帝感相如之言使縣令南通棘道費  
功無成唐蒙南入斬之乃鑿石開閣以通南中迄于  
建寧二千餘里山道廣丈餘深三四丈其鑿鑿之迹

猶存

案鑿近刻說  
作塹脫鑿字

王莽更曰棘治也山多猶糊似猴

而短足好遊巖樹一騰百步或三百丈順往倒返乘  
空若飛縣有蜀王兵蘭其神作大難江中崖峻阻險  
不可穿鑿李冰乃積薪燒之故其處懸巖猶有五色

焉案近刻作有赤  
白玄黃五色焉

赤白照水玄黃魚從棘來

案近刻  
脫魚字

至此而止言畏崖嶼不更上也益部耆舊傳曰張真

妻

案真近刻訛作員下同華陽國志作貞

黃氏女也名帛真乘船覆沒

求尸不得帛至沒處灘頭仰天而歎遂自沉淵積十

四日帛持真手于灘下出時人為說曰符有先絡棘

道有張帛者也江水又與符黑水合

案黑近刻訛作里又此八字原

本及近刻並訛作經

水出寧州南廣郡南廣縣縣故捷為之屬

縣也漢武帝太初元年置劉禪延熙中分以為郡導

源汾關山北流

案近刻訛作北水流

有大涉水注之水出南廣

縣案近刻北流注符黑水又北逕棘道入江謂之南

脫水字

廣口渚水則未聞也

又東過江陽縣南洛水從三危山東過廣魏洛縣南

案洛

縣原本及近刻並訛作洛陽今改正東南注之

洛水出洛縣漳山亦言出梓潼縣柏山山海經曰三

危在燉煌南與崦嵫山相接山南帶黑水又山海經不

言洛水所導經曰出三危山所未詳常璩云李冰導

洛通山水流發瀑口逕什邡縣漢高帝六年封雍齒

為侯國王莽更名曰美信也洛水又南逕洛縣故城

南廣漢郡治也漢高祖之為漢王也發巴渝之士北

定三秦六年乃分巴蜀置廣漢郡于乘鄉王莽之就

都縣曰吾雒也

案吾雒近刻作廣  
信係後人妄改

漢安帝永初二年

移治涪城後治洛縣

案原本脫此四字近刻脫  
治字今據歸有光本補正

先是

洛縣城南每陰雨常有哭聲聞于府中積數十年沛

國陳寵為守以亂世多死亡暴骸不葬故也乃悉收

葬之哭聲遂絕劉備自將攻洛龐士元中流矢死于

此益州舊以蜀郡廣漢犍為為三蜀

案近刻脫一為字

土地

沃美人士雋又一州稱望縣有沈鄉去江七里姜士

遊之所居

案姜近刻說作江

詩至孝母好飲江水嗜魚膾常

以雞鳴遡流汲江子坐取水溺死

案近刻脫取字

婦恐姑知

稱託遊學

案託原本及近刻並說作詩今據後漢書改正

冬夏衣服寔投江

流于是至孝上通涌泉出其舍側

案涌泉近刻說作洞泉下又衍一泉

字而有江之甘焉詩有田濱江澤鹵泉流所溉盡為

沃野又湧泉之中旦旦常出鯉魚一雙以膳焉可謂

孝悌發于方寸微美著于無窮者也洛水又南逕新都縣蜀有三都謂成都廣都此其一焉與綿水合水西出綿竹縣又與湔水合亦謂之郫江也又言是涪水呂忱曰一曰湔然此二水俱與洛會矣又逕犍為

牛鞞縣為牛鞞水

案近刻脫縣字及為牛鞞三字

昔羅尚乘牛鞞水

東征李雄謂此水也縣以漢武帝元封二年置又東

逕資中縣又逕漢安縣

案原本及近刻並訛作安漢縣今改正攷安漢今為順慶

府之南充縣及蓬州非綿水所逕綿水由資中漢安江陽入江資中故城在今資州資陽縣北漢安故城

在今瀘州江安縣東江陽故城即謂之綿水也自上今瀘州治然則當作漢安明甚

諸縣咸以溉灌故語曰綿洛為沒沃也綿水至江陽

縣方山下入江謂之綿水口亦曰中水案近刻脫亦字江陽

縣枕帶雙流據江洛會也漢景帝六年封趙相蘓嘉

為侯國江陽郡治也故捷為枝江都尉建安十八年

劉璋立

案此二十字原本及近刻並說在後蘇桑魚鹽家有焉之下又枝說作岐致革陽國志江

陽郡本捷為枝江都尉建安十八年劉璋立郡江陽縣郡治漢安縣郡東五百里然則此條不得係之漢

安下明係錯江中有大闕小闕焉案近刻闕季春之簡今改正

月則黃龍堆沒闕乃平也

案近刻說作季秋之月則黃鱗魚死漚也

昔世

祖微時過江陽縣有一子望氣者言江陽有貴兒象

王莽求之而撩殺之

案撩近刻說作撩

後世祖怨為子立祠

于縣謫其民罰布數世揚雄琴清英曰尹吉甫子伯

竒至孝後母譖之自投江中衣苔帶藻忽夢見水仙

賜其美藥思惟養親

案近刻脫思字

揚聲悲歌船人聞之而

學之吉甫聞船人之聲疑似伯竒援琴作子安之操

江水逕漢安縣北

案漢安原本及近刻並說作安漢又此七字並說作經

縣雖

迫山川土地特美蠶桑魚鹽家有焉

案近刻脫桑字

江水東

逕樊石灘又逕大附灘

案此十二字原本及近刻竝訛作經

頻歷二險

也

又東過符縣北邪東南鰓部水從符關東北注之

縣故巴夷之地也漢武帝建元六年

案建元近刻以訛作建初

以

唐蒙為中郎將從萬人出巴符關者也

案此下近刻衍漢武二字

元鼎二年立王莽之符信矣縣治安樂水會水源南

通寧州平夷郡鼈縣北逕安樂縣界之東

案近刻脫樂字又

逕符縣下北入江縣長趙祉遣吏先尼和

案先近刻  
訛作光

以永建元年十二月

案近刻訛  
作十一月

詣巴郡没死成湍灘

案湍近刻  
訛作濡

子賢求喪不得女絡年二十五歲有二子

五歲以還至二年二月十五日尚不得喪絡乃乘小船至父沒處哀哭自沈見夢告賢曰至二十一日與父俱出至日父子果浮出江上郡縣上言為之立碑以旌孝誠也其鰥部之水所未聞矣或是水之殊目非所究也

又東北至巴郡江州縣東強水涪水漢水白水宕渠水

五水合南流注之

案近刻  
脫五字

強水即羌水也宕渠水即潛水渝水矣巴水出晉昌

郡宣漢縣巴嶺山郡隸梁州晉太康中立治漢中

案

陽國志云魏咸熙元年平蜀始分  
益州巴漢七郡置梁州治漢中

縣南去郡八百餘

里故屬巴渠

案近刻  
脫渠字

西南流歷巴中逕巴郡故城南

李嚴所築大城北西南入江庾仲雍所謂江州縣對

二水口右則涪內水左則蜀外水即是水也江州縣

故巴子之都也春秋桓公九年巴子使韓服告楚請  
與鄧好是也及七國稱王巴亦王焉秦惠王遣張儀  
等救苴侯于巴儀貪巴苴之富因執其王以歸而置

巴郡焉

案此下近刻衍巴字

治江州漢獻帝初平元年分巴為

三郡于江州則永寧郡治也至建安六年劉璋納蹇

允之訟復為巴郡以嚴顏為守顏見先主入蜀歎曰

獨坐窮山放虎自衛此即拊心處也

案近刻訛作巴

漢世郡

治江州巴水北北府城是也後乃徙南城劉備初以

江夏費觀為太守領江州都督後都護李嚴更城周  
十六里造蒼龍白虎門求以五都為巴州治丞相諸  
葛亮不許竟不果地勢側險皆重屋累居數有火害

又不相容結舫水居者五百餘家承二江之會

案二  
近刻

訛作  
三

夏水增盛壞散顛沒死者無數縣有官橘官荔

枝園夏至則熟二千石常設厨膳命士大夫共會樹  
下食之縣北有稻田出御米也縣下又有清水穴巴  
人以此水為粉則皜曜鮮芳貢粉京師因名粉水故

世謂之為江州墮林粉粉水亦謂之為粒水矣

案粒近刻

訛作

江之北岸

案之近刻訛作水

有塗山南有夏禹廟塗君

祠廟銘存焉常璩庾仲雍並言禹娶于此

案近刻脫庾字

余

按羣書咸言禹娶在壽春當塗不于此也

又東至枳縣西延江水從牂柯郡北流西屈注之

江水東逕陽關巴子梁

案江水二字原本及近刻並記在經文又字下今改正

江之兩岸猶有梁處巴之三關斯為一也延熙中蜀

車騎將軍鄧芝為江州都督治此江水又東右逕黃

葛峽山高險全無入居

案全近刻  
訛作今

江水又左逕明月

峽東至梨鄉歷雞鳴峽江之南岸

案南近刻  
訛作兩

有枳縣

治華陽記曰枳縣在江州巴郡東四百里治涪陵水

會庾仲雍所謂有別江出武陵者也水乃延江之枝

津分水北注逕涪陵入江故亦云涪陵水也其水南

導武陵郡

案導近  
刻作逕

昔司馬錯泝舟此水取楚黔中地

延熙中鄧芝伐徐巨射玄援于是縣援自拔矢卷木

葉塞射創芝歎曰傷物之生吾其死矣江水又東逕

涪陵故郡北後乃并巴郡遂罷省江水又東逕文陽

灘灘險難上江水又東逕漢平縣二百餘里

案漢平縣屬涪

陵郡

左自涪陵東出百餘里而屆于黃石東為桐柱灘

案黃近刻

訛作積又逕東望峽東歷平都

案此九字原本及近刻並訛作經

峽對豐民洲舊巴子別都也華陽記曰巴子雖都江

州

案江下原本及近刻並衍平字今改正

又治平都即此處也有平都

縣為巴郡之隸邑矣縣有天師治兼建佛寺甚清靈

縣有市肆四日一會江水右逕虎鬚灘

案此七字原本及近刻並

記作經近刻 灘水廣大夏斷行旅江水又東逕臨江

右記作又 縣南 案此九字原本及近刻並記作經 王莽之監江縣也 案監近刻記作鹽

華陽記曰縣在枳東四百里東接胸忍縣有鹽官自

縣北入鹽井溪有鹽井營戶溪水沿注江 案近刻記作沿注溪

井 江水又東得黃華水口 案此九字原本及近刻並記作經 江浦也

左逕石城南 案此五字原本及近刻並記作經 庾仲雍曰臨江至石

城黃華口一百里又東至平洲 案此五字原本及近刻並記作經 洲

上多居民又東逕壤塗而歷和灘又東逕界壇 案此十四

字原本及近  
刻竝訛作經

是地巴東之西界益州之東境故得是

名也

又東過魚復縣南夷水出焉

案此十一字原本及近刻  
竝訛入注內接故得是名

也之下

今改正

江水又東右得將龜溪口

案此十字原本及  
近刻竝訛作經

華陽記

曰胸忍縣出靈龜咸熙元年獻龜于相府言出自此

溪也江水又東會南北集渠

案此九字原本及近刻  
竝訛作經會字又訛在

南字  
之下

南水出涪陵縣界

案南水出三字近  
刻訛作二溪水

謂之陽溪

案之字下近刻衍于字北流逕巴東郡之南浦僑縣西溪破側

案破近刻作夾鹽井三口相去各數十步以木為桶徑五尺

修煮不絕溪水北流注于江謂之南集渠口亦曰于

陽溪口北水出新浦縣北高梁山分溪南流逕其縣

西又南百里至朐忍縣案至近刻作入南入于江謂之北集

渠口別名班口又曰分水口朐忍尉治此江水又東

右逕汜溪口案近刻脫東字汜訛作池又此九字原本及近刻並訛作經蓋江汜

決入也江水又東逕石龍而至于博陽二村之間案近

刻石說作右而說作水又此十六字原本及  
近刻並截上七字說作經下九字仍屬注文

有盤石

廣四百丈長六里

案此下近刻有而復殆于四字係衍文

阻塞江川夏

沒冬出基亘通渚又東逕羊腸虎臂灘

案此八字原本及近刻並

說作經

楊亮為益州至此舟覆懲其波瀾蜀人至今猶

名之為使君灘江水又東彭水注之

案此八字原本及近刻並訛作

經

水出巴渠郡獠中東南流逕漢豐縣東清水注之

水源出西北巴渠縣東北巴嶺南獠中即巴渠水也

西南流至其縣又西入峽檀井溪水出焉又西出峽

案近刻訛作 又西過山 至漢豐縣東而西注彭溪謂之清水口

彭溪水又南案近刻訛作又入逕胸忍縣西六十里南流注

于江案注近刻訛作至謂之彭溪口江水又東右逕胸忍縣

故城南案此十二字原本及近刻並訛作經常璩曰縣在巴東郡西二

百九十里縣治故城跨其山阪南臨大江江之南岸

有方山案近刻脫一江字山形方峭枕側江濱江水又東逕

瞿巫灘案此八字原本及近刻並訛作經即下瞿灘也又謂之博望

灘左則湯溪水注之水源出縣北六百餘里上庸界

南流歷縣

案近刻歷下衍之字

翼帶鹽井一百所巴川資以自

給粒大者方寸中央隆起形如張繖

案近刻作傘繖即古傘字

故

因名之曰繖子鹽有不成者形亦必方異于常鹽矣

王隱晉書地道記曰入湯口四十三里有石煮以為

鹽石大者如升小者如拳煮之水竭鹽成蓋蜀火井

之倫水火相得乃佳矣湯水下與檀溪水合水上承

巴渠水

案此下近刻衍巴渠二字

南歷檀井溪謂之檀井水

案近刻脫

謂字下入湯水湯水又南入于江名曰湯口江水又逕

東陽灘

案此七字原本及近刻並訛作經

江上有破石故亦通謂之

破石灘苟延光沒處也常璩曰水道有東陽下瞿數

灘山有大小石城勢

案近刻脫勢字

靈壽木及橘圃也故地

理志曰縣有橘官有民市江水又逕魚復縣之故陵

案此十字原本及近刻並訛作經

舊郡治故陵溪西二里故陵村溪

即永谷也地多木瓜樹有子大如甌白黃實甚芬香

爾雅之所謂楸也江水又東為落牛灘逕故陵北

案此

十二字原本及近刻並訛作經

江側有六大墳庾仲雍曰楚都丹陽

所莫亦猶積之巴陵矣故以故陵為名也有魚復尉  
成此江之左岸有巴鄉村村人善釀故俗稱巴鄉清  
郡出名酒村側有溪溪中多靈壽木中有魚其頭似  
羊豐肉少骨美于餘魚溪水伏流逕平頭山內通南  
浦故縣陂湖其地平曠有湖澤中有菱芡鯽鴈不異  
外江凡此等物皆入峽所無地密惡蠻不可輕至江  
水又東右逕夜清而東歷朝陽道口

案近刻脫東字  
又此十五字原

本及近刻  
並訛作經

有縣治治下有市十日一會江水又東左

逕新市里南

案此十字原本及近刻並訛作經

常璩曰巴舊立市于

江上今新市里是也江水又東右合陽元水

案此九字原本

及近刻並訛作經又水下近刻衍口字

水出陽口縣西南高陽山東

案陽

口縣在今夔州府奉節縣西原本及近刻並訛作水口出陽縣今改正

東北流逕其縣

南東北流丙水注之水發縣東南柏枝山山下有丙

穴穴方數丈中有嘉魚常以春末遊渚冬初入穴仰

亦褒漢丙穴之類也其水北流入高陽溪溪水又東

北流注于江謂之陽元口

案近刻元下衍水字

江水又東逕南

鄉峽東逕永安宮南

案此十四字原本及近刻並訛作經

劉備終于此

諸葛亮受遺處也其間平地可二十許里江山迴闊

入峽所無城周十餘里背山面江頽墉四毀荆棘成

林左右民居

案近刻脫居字

多墾其中江水又東逕諸葛亮

圖壘南

案此十一字原本及近刻並訛作經

石磧平曠望兼川陸有亮

所造八陣圖東跨故壘皆累細石為之自壘西去聚

石八行行間相去二丈因曰八陣既成自今行師庶

不覆敗皆圖兵勢行藏之權自後深識者所不能了

今夏水漂蕩歲月消損高處可二三尺下處磨滅殆

盡江水又東逕赤岬城西

案近刻作又東南脫城字此九字原本及近刻並訛

作經是公孫述所造因山據勢周迴七里一百四十步

東高二百丈西北高千丈南連基白帝山甚高大不

生樹木其石悉赤

案石近刻訛作土

土人云如入袒胛故謂

之赤岬山淮南子曰徜徉于山岬之旁注曰岬山脅

也郭仲產曰斯名將因此而興矣江水又東逕魚復

縣故城南

案此十一字原本及近刻並訛作經今攷注叙江水西來所逕至此乃經所謂東過

魚復縣南也

故魚國也春秋左傳文公十六年庸與羣蠻

叛楚莊王伐之七遇皆北惟裨僚魚人逐之是也地

理志江關都尉治公孫述名之為白帝取其王色

案近

刻訛作巴

蜀章武二年劉備為吳所破改白帝為永安巴

東郡治也漢獻帝興平元年

案興平近刻訛作初平

分巴為二

郡

案近刻訛作三都

以魚復為故陵郡蹇胤訴劉璋

案近刻蹇訛作

趙改為巴東郡治白帝山城周迴二百八十步北緣

馬嶺接赤岬山其間平處南北相去八十五丈東西

七十丈

案近刻  
作十七丈

又東傍東瀼溪即以為隍西南臨

大江關之眩目惟馬嶺小差委迤猶斬山為路

案近  
刻脫

山羊腸數四然後得上益州刺史鮑陋鎮此為譙道

福所圍城裏無泉乃南開水門鑿石為玉道上施木

天公直下至江中有似後臂相牽引汲然後得水

門之西江中有孤石為淫預石冬出水二十餘丈夏

則沒亦有裁出處矣

案近刻脫出字  
宋本脫處字

縣有夷溪即很

山清江也

案近刻很  
訛作很

經所謂夷水出焉

案此可證前  
以經入注之

訛

江水又東逕廣溪峽

案此八字原本及近刻竝訛作經

斯乃三峽

之首也其間三十里頽巖倚木厥勢殆交北岸山上有神淵淵北有白鹽崖高可千餘丈俯臨神淵土人見其高白故因名之天旱燃木岸上推其灰燼下穢淵中尋即降雨常璩曰縣有山澤水神旱時鳴鼓請雨則必應嘉澤蜀都賦所謂應鳴鼓而興雨也峽中有瞿塘黃龕二灘

案龕近刻訛作龍

夏水迴復沿洑所忌

塘灘上有神廟尤至靈驗刺史二十石徑過皆不得

鳴角伐鼓商旅上水恐觸石有聲乃以布裹篙足今  
則不能爾猶饗薦不輟此峽多猿援不生北岸非惟  
一處或有取之放著北山中初不聞聲將同貉獸渡  
汶而不生矣其峽案近刻脫此二字蓋自昔禹鑿以通江郭  
景純所謂巴東之峽夏后疏鑿者

水經注卷三十三

欽定四庫全書

水經注卷三十四

魏 酈道元 撰

江水

案近刻作江水二

又東出江關入南郡界

案此九字原本及近刻並訛入前卷注內接夏后疏鑿者之下

今改正又下條過巫縣南注文因經誤為注注誤為經遂割裂異卷今訂正改此為卷首

江水自關東逕弱關捍關

案此十字原本及近刻並訛作經

捍關廩

君浮夷水所置也弱關在建平秭歸界昔巴楚數相

攻伐藉險置闕以相防捍秦兼天下置立南郡自巫

東上皆其域也

案近刻脫東字域說作城此乃注釋經文入南郡界句

又東過巫縣南鹽水從縣東南流注之

案此十五字原本及近刻並訛

入注內接自巫東上皆其域也之下今改正

江水又東烏飛水注之

案此九字原本及近刻並訛作經又東近刻訛作入東

水出天門郡淩中縣界北流逕建平郡沙渠縣南又

北流逕巫縣南西北歷山道三百七十里注于江謂

之烏飛口

案又東過巫縣南至此原本及近刻為上卷之末

江水又東逕巫

縣故城南

案此十字原本及近刻並訛作經又別為卷首可證今之卷帙非復道元之舊也

縣故楚之巫郡也秦省郡立縣以隸南郡吳孫休分

為建平郡治巫城城緣山為墉周十二里一百一十

步東西北三面皆帶傍深谷南臨大江故夔國也

案近

刻故下衍江水又東巫溪水注之

案此九字原本及近刻並訛作經今

致下文巫漢即經之鹽水也

溪水導源梁州晉興郡之宣漢縣東

又南逕建平郡秦昌縣南又逕北井縣西東轉歷其

縣北水南有鹽井

案水近刻訛作井

井在縣北故縣名北井

建平一郡之所資也鹽水下通巫溪溪水是兼鹽水

之稱矣

案此乃注釋經文鹽水

溪水又南屈逕巫縣東縣之東

北三百步有聖泉謂之孔子泉其水飛清石穴潔竝

高泉

案近刻作飛清潔石穴竝高泉

下注溪水溪水又南入于大江

江水又東逕巫峽

案此七字原本及近刻竝訛作經

杜宇所鑿以通

江水也郭仲產云按地理志巫山在縣西南而今縣

東有巫山將郡縣居治無恒故也江水歷峽東逕新

崩灘

案此九字原本及近刻竝訛作經

此山漢和帝永元十二年崩

案近刻說  
作十三年

晉太元二年又崩當崩之日水逆流百餘  
里湧起數十丈今灘上有石或圓如簞或方似屋若  
此者甚衆皆崩崖所隕致怒湍流故謂之新崩灘其  
頽巖所餘比之諸嶺尚為竦桀其下十餘里有大巫  
山非惟三峽所無乃當抗峰岷峨偕嶺衡疑其翼附  
羣山竝槩青雲更就霄漢辨其優劣耳神孟涂所處  
山海經曰夏后啟之臣孟涂是司神于巴巴人訟于  
孟涂之所其衣有血者執之是請生居山上在丹山

西郭景純云丹山在丹陽屬巴丹山西即巫山者也

又帝女居焉宋玉所謂天帝之季女名曰瑤姬未行

而亡封于巫山之陽

案近刻  
訛作臺

精魂為草寔為靈芝所

謂巫山之女高唐之阻

案近刻  
訛作姬

旦為行雲暮為行雨

朝朝暮暮陽臺之下旦早視之果如其言故為立廟

號朝雲焉其間首尾百六十里謂之巫峽蓋因山為

名也自三峽七百里中兩岸連山略無闕處重巖疊

嶂隱天蔽日自非停午夜分不見曦月至于夏水襄

陵沿汭阻絕或王命急宣

案近刻脫或字

有時朝發白帝暮

到江陵其間千二百里雖乘奔御風不以疾也春冬

之時則素湍綠潭迴清倒影絕巖多生怪柏

案怪近刻訛作

檉懸泉瀑布飛漱其間清榮峻茂良多趣味每至晴

初霜旦林寒澗肅常有高猿長嘯屬引淒異

案屬近刻作屢

空谷傳響哀轉久絕故漁者歌曰巴東三峽巫峽長

猿鳴三聲淚沾裳江水又東逕石門灘

案此八字原本及近刻並

說作灘北岸有山山上合下開洞達東西緣江步路

所由劉備為陸遜所破走邕此門追者甚急備乃燒  
鎧斷道孫桓為遜前驅奮不顧命斬上夔道截其要  
徑備踰山越險僅乃得免忿恚而歎曰吾昔至京桓  
尚小兒而今迫孤乃至于此遂發憤而薨矣

又東過秭歸縣之南

縣故歸鄉地理志曰歸子國也樂緯曰昔歸典叶聲  
律宋忠曰歸即夔歸鄉蓋夔鄉矣古楚之嫡嗣有熊  
摯者以廢疾不立而居于夔為楚附庸後王命為夔

子春秋僖公二十六年楚以其不祀滅之者也袁山  
松曰屈原有賢姪聞原放逐亦來歸喻令自寬全鄉  
人冀其見從因名曰秭歸即離騷所謂女嬃嬋媛以  
詈余也縣城東北依山即坂周迴二里高一丈五尺  
南臨大江古老相傳謂之劉備城蓋備征吳所築也  
縣東北數十里有屈原舊田宅雖畦堰廢漫猶保屈  
田之稱也縣北一百六十里有屈原故宅累石為室  
基名其地曰樂平里宅之東北六十里有女嬃廟擣

衣石猶存故宜都記曰秭歸蓋楚子熊繹之始國而

屈原之鄉里也原田宅于今具存案原田宅近刻指

謂此也江水又東逕一城北案此八字原本及近刻並訛作經又近刻脫一

字其城憑嶺作固二百一十步夾溪臨谷據山枕江

北對丹陽城城據山跨阜周八里二百八十步東北

兩面悉臨絕澗西帶亭下溪南枕大江險峭壁立信

天固也楚子熊繹始封丹陽之所都也地理志以為

吳之丹陽案吳下近刻行子字論者云尋吳楚悠隔繼縷荆山

無容遠在吳境是為非也又楚之先王陵墓在其間

案近刻之

訛作子

蓋為徵矣江水又東南逕夔城南

案此九字原本

及近刻竝

訛作經

跨據川阜周迴一里百一十八步西北背

枕深谷東帶鄉口溪

案背近刻訛作皆脫口字

南側大江城內西

北角有金城東北角有圓土獄西南角有石井口徑

五尺熊摯始治巫城後疾移此蓋夔徙也春秋左傳

僖公二十六年楚令尹子玉城夔者也服虔曰在巫

之陽秭歸歸鄉矣江水又東逕歸鄉縣故城北

案此十一

字原本及近  
刻竝訛作經  
袁山松曰父老傳言原既流放忽然暫

歸案暫近鄉人喜悅因名曰歸鄉抑其山秀水清故

出雋異地險流疾故其性亦隘詩云惟岳降神生甫

及申信與余謂山松此言可謂因事而立證恐非名

縣之本旨矣縣城南面重嶺北背大江東帶鄉口溪

溪源出縣東南數百里西北入縣逕狗峽西峽崖龕

中石隱起有狗形形狀具足故以狗名峽鄉口溪又

西北逕縣下入江謂之鄉口也江水又東逕信陵縣

南案此九字原本及近刻並訛作經

臨大江東傍深溪溪源北發梁

州上庸縣界南流逕縣下而注于大江也

又東過夷陵縣南

案又東上原本及近刻並衍江水二字今改正

江水自建平至東界峽盛弘之謂之空冷峽

案謂之近刻脫

之字峽甚高峻即宜都建平二郡界也其間遠望勢交

嶺表

案近刻脫勢字

有五六峰參差互出上有奇石如二人

像攘袂相對俗傳兩郡督郵爭界于此宜都督郵厥勢小東傾議者以為不如也江水歷峽東逕宜昌縣

之插竈下

案此十三字原本及近刻竝訛作經插訛作埴

江之左岸絕岸壁

立數百丈飛鳥所不能棲有一火燼

案近刻訛作爐

插在崖

間望見可長數尺父老傳言昔洪水之時人薄舟崖

側以餘燼插之巖側至今猶存故先後相承謂之插

竈也江水又東逕流頭灘

案近刻脫逕字又此八字原本及近刻竝訛作經

其水竝峻激奔暴

案峻近刻作淺

魚鼈所不能游行者常苦

之其歌曰灘頭白勃堅相持倏忽淪沒別無期袁山

松曰自蜀至此五千餘里下水五日上水百日也江

水又東逕宜昌縣北

案此九字原本及近刻並訛作經

分夷道佷山

所立也

案佷近刻訛作狼

縣治江之南岸北枕大江與夷陵

對界宜都記曰渡流頭灘十里便得宜昌縣江水又

東逕狼尾灘而歷入灘

案此十二字原本及近刻並訛作經

袁山松曰

二灘相去二里入灘水至峻峭南岸有青石夏沒冬

出其石嶽崙數十步中悉作人面形或大或小其分

明者鬚髮皆具因名曰人灘也江水又東逕黃牛山

下案此九字原本及近刻並截

八字訛作經下字仍屬注文

有灘名曰黃牛灘

南岸重嶺疊起最外高崖間有石色案近刻脫石字如人負

刀牽牛入黑牛黃成就分明既入跡所絕莫得究焉

此巖既高加以江湍紆迴案近刻脫以字雖途逕信宿猶望

見此物故行者謠曰朝發黃牛暮宿黃牛三朝三暮

黃牛如故案近刻脫此八字言水路紆深案紆近刻訛作行迴望如

一矣江水又東逕西陵峽案此八字原本及近刻並訛作經宜都記

曰自黃牛灘東入西陵界至峽口百許里山水紆曲

而兩岸高山重障非日中夜半不見日月絕壁或千

許丈其石彩色形容多所像類林木高茂略盡冬春  
猿鳴至清山谷傳響泠泠不絕所謂三峽此其一也

山松言常聞峽中水疾書記及口傳悉以臨懼相戒  
曾無稱有山水之美也及余來踐躋此境

案近刻  
訛作意

既至欣然始信耳聞之不如親見矣

案之字近刻  
訛在耳聞上

其壘

嶠秀峰奇構異形固難以辭敘林木蕭森離離蔚蔚  
乃在霞氣之表仰矚俯映彌習彌佳流連信宿不覺  
忘返目所履歷未嘗有也既自欣得此奇觀山水有

靈亦當驚知已于千古矣江水歷禹斷江南案此七字原本

及近刻並截上六字訛作經下一字仍屬注文峽北有七谷村案七近刻訛作北兩

山間有水清深潭而不流又耆舊傳言昔是大江及

禹治水此江小不足瀉水禹更開今峽口水勢并衝

此江遂絕于今謂之斷江也江水出峽東南流逕故

城洲案此十一字原本及近刻並訛作經洲附北岸洲頭曰郭洲長二

里廣一里上有步關故城方圓稱洲周迴略滿故城

洲上城周五里案近刻脫五字吳西陵督步隲所築也孫皓

鳳凰元年隲息闡復為西陵督據此城降晉晉遣太

傅羊祜接援

案近刻脫一晉字

未至為陸抗所陷也江水又

東逕故城北

案此八字原本及近刻並訛作經

所謂陸抗城也城即

山為墉四面天險

案天近刻訛作大

江南岸有山孤秀從江

中仰望壁立峻絕袁山松為郡嘗登之矚望焉故其

記云今自山南上至其嶺嶺容十許人四面望諸山

略盡其勢俯臨大江如縈帶焉視舟如鳧鴈矣北對

夷陵縣之故城城南臨大江秦令白起伐楚三戰而

燒夷陵者也應劭曰夷山在西北蓋因山以名縣也

王莽改曰居利吳黃武元年夏名西陵也後復曰夷

陵

案近刻  
脫曰字

縣北三十里有石穴名曰馬穿嘗有白馬

出穴

案此下近  
刻衍食字

人逐之入穴潛行出漢中漢中人失

馬亦嘗出此穴相去數千里袁山松言江北多連山

登之望江南諸山數十百重莫識其名高者千仞多

奇形異勢自非煙霖雨霽不辨見此遠山矣余嘗往

返十許過正可再見遠峰耳江水又東逕白鹿巖

案此

八字原本及近  
刻並訛作經

沿江有峻壁百餘丈猿所不能遊有

一白鹿陵峭登岷乘巖而上故世名此巖為白鹿巖

案近刻

作云 江水又東歷荆門虎牙之間

案近刻間訛作門又此十一字

原本及近刻

並訛作經

荆門在南上合下開閣徹山南有門像

虎牙在北

案近刻  
訛作此

石壁色紅間有白文類牙形並以

物像受名此二山

案二近刻  
訛作三

楚之西塞也水勢急峻

故郭景純江賦曰虎牙桀豎以屹率荆門闕竦而盤

薄圓淵九迴以懸騰湓流雷响而電激者也漢建武

十一年公孫述遣其大司徒任滿翼江王田戎將兵

數萬

案近列脫數字

據險為浮橋橫江以絕水路營壘跨山

以塞陸道光武遣吳漢岑彭將六萬人擊荆門漢等

率舟師攻之直衝浮橋因風縱火遂斬滿等矣

又東南過夷道縣北夷水從佷山縣南東北注之

夷道縣漢武帝伐西南夷路由此出故曰夷道矣王

莽更名江南桓温父名彞改曰西道魏武分南郡置

臨江郡

案魏武下近刻衍臨江二字

劉備改曰宜都

案近刻脫改字

郡治

在縣東四百步故城吳丞相陸遜所築也為二江之  
會也北有湖里淵淵上橘柚蔽野桑麻閭曰西望很  
山諸嶺重峰疊秀青翠相臨時有丹霞白雲遊曳其  
上城東北有望堂地特峻下臨清江遊矚之名處也  
縣北有女觀山厥處高顯回眺極目古老傳言昔有  
思婦夫官于蜀屢愆秋期案秋近刻  
訛作歸登此山絕望憂  
感而死山木枯悴鞠為童枯鄉人哀之因名此山為  
女觀焉葬之山頂今孤墳尚存矣

又東過枝江縣南沮水從北來注之

案此十四字原本及近刻並訛入注

內接尚存矣

之下今改正

江水又東逕上明城北

案此九字原本及近刻並訛作經

晉大元中

苻堅之寇荊州也刺史桓沖徙渡江南使劉波築之

移州治此城

案此城近刻訛作城也

其地夷敞北據大江江汜

枝分東入大江縣治洲上故以枝江為稱地理志曰

江沱出西

案近刻訛作江迤出西南

東入江是也其地故羅國蓋

羅徙也

案此九字近刻訛作其民古羅徙五字

羅故居宜城西山楚文

王又徙之于長沙今羅縣是矣縣西三里有津鄉津鄉里名也春秋莊公十九年巴人伐楚楚子禦之大

敗于津

案近刻此下衍鄉字

應劭曰南郡江陵有津鄉今則無

聞矣郭仲產云尋楚禦巴人枝江是其塗便此津鄉殆即其地也

案殆近刻訛作縣

盛弘之曰縣舊治沮中後移

出百里洲西去郡百六十里縣左右有數十洲槩布

江中其百里洲最為大也中有桑田甘果

案近刻脫有字

映

江依洲自縣西至上明東及江津其中有九十九洲

楚諺云洲不百

案近刻說作洲下石

故不出王者桓玄有問鼎

之志乃增一洲以充百數

案增近刻說作漕

僭號數旬宗滅

身屠及其傾敗洲亦消毀今上在西忽有一洲自生

沙流迴薄成不淹時其後未幾龍飛江漢矣縣東二

里有縣人劉凝之故宅凝之字志安兄盛公高尚不

仕凝之慕老萊嚴子陵之為人立屋江湖非力不食

妻梁州刺史郭詮女亦能安貧宋元嘉中夫妻隱于

衡山終焉不返矣縣東北十里土臺北岸有迪洲長

十餘里義熙初烈武王斬桓謙處

案烈武王近刻  
說作武烈王

縣

東南二十里富城洲上有道士范儕精廬自言巴東  
人少遊荆土而多盤桓縣界惡衣麤食蕭散自得言  
來事多驗而辭不可詳入心欲見歛然而對貌言尋  
求終弗遇也雖逕跨諸洲而舟人未嘗見其濟涉也  
後東遊廣陵卒于彼土儕本無定止處

案本下近  
刻衍洲字

宿

憩一小菴而已弟子慕之于其昔遊共立精舍以存

其人縣有陳留王子香廟頌稱子香于漢和帝之時

案近刻  
脫稱字

出為荊州刺史有惠政天子徵之道卒枝江

亭中常有三白虎出入人間送喪踰境百姓追美甘

棠以永元十八年立廟設祠刻石銘德號曰枝江白

虎王君其子孫至今猶謂之為白虎王

案至今近刻  
訛作世令

江水又東會沮口

案此七字原本及  
近刻並訛作經

楚昭王所謂

案近

刻脫  
王字

江漢沮漳楚之望也

又南過江陵縣南

縣北有洲

案北近刻  
訛作江

號曰枚迴洲江水自此兩分而

為南北江也北江有故鄉洲元興之末桓玄西奔毛

祐之與參軍費恬射玄于此洲玄子昇年六歲輒拔

去之王韶之云

案韶近刻  
訛作昭

玄之初奔也經日不得食

左右進麤粥咽不下昇抱玄臂撫之玄悲不自勝至

此益州都護馮遷斬玄于此洲斬昇于江陵矣下有

龍洲洲東有寵洲二洲之間世擅多魚矣漁者投罟

歷網往往絳絕

案絳近刻  
訛作繼

有潛客泳而視之見水下

有兩石牛嘗為罾害矣

案罾近刻  
訛作層

故漁者莫不擊浪

浮舟鼓柁而去矣

案柁近刻  
訛作柁

其下謂之郟里洲洲有

高沙湖湖東北有小水通江名曰魯口江水又東逕

燕尾洲北

案此九字原本及近刻並截上  
八字訛作經下一字仍屬注文

合靈溪水

水無泉源上承散水合承大溪南流注江江溪之會

有靈溪戍背阿面江西帶靈溪故戍得其名矣江水

東得馬牧口

案此七字原本及  
近刻並訛作經

江水斷洲通會江水

又東逕江陵縣故城南

案此十一字原本  
及近刻並訛作經

禹貢荆及

衡陽惟荊州蓋即荆山之稱而制州名矣故楚也子

革曰我先君僻處荆山以供王事遂遷紀郢今城楚  
船官地也春秋之渚宮矣秦昭襄王二十九年使白  
起拔郢郢以漢南地而置南郡焉周書曰南國名也  
南氏有二臣力鈞勢敵競進爭權君弗能制南氏用  
分為二南國也按韓嬰敘詩云其地在南郡南陽之  
間呂氏春秋所謂禹自塗山巡省南土者也是郡取  
名焉後漢景帝以為臨江王榮國王坐侵廟墟地為  
宮

案墟近刻  
訛作垣

被徵升車出北門而軸折父老竊流涕

曰吾王不還矣自後北門不開蓋由榮非理終也漢

景帝二年改為江陵縣王莽更名郡曰南順

案近刻脫郡曰

二字縣曰江陸

案近刻訛作陵

舊城關侯所築侯北圍曹仁呂

蒙襲而據之侯曰此城吾所築不可攻也乃引而退  
杜元凱之攻江陵也城上人以瓠繫狗頸示之元凱  
病瘿故也及城陷殺城中老小血流沾足論者以此  
薄之江陵城地東南傾故緣以金堤自靈溪始桓温  
令陳遵造遵善于方功使人打鼓遠聽之知地勢高

下依傍創築畧無差矣城西有栖霞樓俯臨通隍吐  
納江流城南有馬牧城西側馬徑此洲始自枚迴下  
迄于此長七十餘里洲上有奉城故江津長所治舊  
主度州郡貢于洛陽因謂之奉城亦曰江津戍也戍  
南對馬頭岸昔陸抗屯此與羊祜相對大宏信義談  
者以為華元子反復見于今矣北對大岸謂之江津  
口故洲亦取名焉江大自此始也

案大近刻  
訛作水

家語曰

江水至江津非方舟避風不可涉也故郭景純云濟

江津以起漲言其深廣也江水又東逕郢城南

案此八字

原本及近刻並訛作經

子囊遺言所築城也地理志曰楚別邑

故郢矣王莽以為郢亭城中有趙臺卿冢岐平生自

所營也冢圖賓主之容用存情好敘其宿尚矣江水

又東得豫章口

案此八字原本及近刻並訛作經

夏水所通也西北

有豫章岡蓋因岡而得名矣或言因楚王豫章臺名

所未詳也

水經注卷三十四

欽定四庫全書

水經注卷三十五

魏 酈道元 撰

江水

案近刻作  
江水三

又東至華容縣西夏水出焉

江水左迤為中夏水右則中郎浦出焉江浦右迤南

派屈西極水曲之勢

案近刻訛作南派曲  
而極水曲之地勢

世謂之江

曲者也

又東南當華容縣南涌水入焉

案入原本及近刻竝說作出攷涌水乃夏水枝

分入江者非從江出蓋後人因注文江水又東涌水注之訛而為經嫌與此複遂妄改作出耳今訂正

江水又東涌水注之

案此八字原本及近刻竝說作經

水自夏水南

通于江謂之涌口二水之間

案此四字近刻說在而逸下二水上復衍于字

春秋所謂閻敖游涌而逸者也江水又逕南平郡孱

陵縣之樂鄉城北

案此十五字原本及近刻竝說作經

吳陸抗所築後

王濬攻之獲吳水軍督陸景于此渚也

又東南油水從東南來注之

又東右合油口又東逕公安縣北

案此十三字原本及近刻並訛作經

劉備之奔江陵使築而鎮之曹公聞孫權以荊州借備臨書落筆杜預克定江南罷華容置之謂之江安

縣南郡治吳以華容之南鄉為南郡

案吳近刻訛作矣

晉太

康元年改曰南平也縣有油水水東有景口口即武

陵郡界景口東有淪口淪水南與景水合又東通澧

水及諸陂湖

案東近刻訛作南

自此淵潭相接

案自此近刻訛作北是潭

訛作也

悉是南蠻府屯也故側江有大城相承云倉儲

城即邸閣也江水左會高口

案此六字原本及近刻並訛作經又近刻高訛

作江浦也右對黃州

案近刻脫右字

江水又東得故市口

案此

八字原本及近刻並訛作經

水與高水通也江水又右逕陽岐山

北

案此九字原本及近刻並訛作經又陽作楊山北訛作北山今攷陽岐即今石首縣西山在江之南

岸

山枕大江

案枕近刻訛作抗

山東有城故華容縣尉舊治

也大江又東左合子夏口

案此九字原本及近刻並訛作經

江水左

迤北出通于夏水故曰子夏也大江又東左得侯臺

水口

案此十字原本及近刻並訛作經

江浦也大江右得龍穴水口

案此八字原本及近刻並訛作經

江浦右也北對虎洲又洲北有

龍巢地名也昔禹南濟江黃龍夾舟舟人五色無主

禹笑曰吾受命于天竭力養民生性也

案近刻脫此二字

死

命也何憂龍哉于是二龍弭鱗掉尾而去焉故水地

取名矣江水自龍巢而東得俞口

案此十字原本及近刻並訛作經近

刻脫得字

夏水泛盛則有冬無之江之北岸上有小城故

監利縣尉治也又東得清陽土塢二口

案陽近刻訛作揚又此九

字原本及近刻並訛作經

江浦也大江右逕石首山北又東逕赭

要案此十三字原本及近刻竝訛作經赭案此八字原本及近刻竝訛作經要洲名在大江中次北湖洲

下江水左得飯筐上口案此八字原本及近刻竝訛作經秋夏水通

下口上下口間案近刻脫上下口三字相距三十餘里赭要下

即楊子洲在大江中二洲之間常苦蛟害昔荆欂飛

濟此案昔近刻訛作者遇兩蛟斬之自後罕有所患矣江之

右岸則清水口案清近刻訛作溝口上即錢官也水自牛皮

山東北通江北對清水洲下接生江洲南即生江

口水南通澧浦江水左會飯筐下口案近刻訛作右會飯筐上口

江浦所入也江水又右得上檀浦

案此八字原本及近刻竝訛作經

江澦也江水又東逕竹町南

案此八字原本及近刻竝訛作經

江中

有觀詳澦澦東有大洲

案近刻作太洲

洲東分爲爵洲洲南

對湘江口也

又東至長沙下雋縣北澧水沅水資水合東流注之

凡此諸水皆注于洞庭之陂是乃湘水非江川

案此下近

刻有也字

湘水從南來注之

江水右會湘水所謂江水會者也江水又東左得二

夏浦

案此九字原本及近刻竝訛作經

俗謂之西江口

案俗字上近刻衍夏浦二

字又東逕忌置山南山東即隱口浦矣江之右岸有

城陵山山有故城東接微落山亦曰暉落磯江之南

畔名黃金瀨瀨東有黃金浦良父口夏浦也又東逕

彭城口

案此六字原本及近刻竝訛作經

水東有彭城磯故水受其

名即玉澗水出巴丘縣東玉山玉溪北流注于江

水自彭城磯東逕如城北

案此十一字原本及近刻竝訛作經

北對隱

磯二磯之間

案此下近刻衍大江之中四字

有獨石孤立大江中山

東江浦世謂之白馬口江水又左逕白螺山南

案此九字

原本及近刻並訛作經

右歷鴨蘭磯北江中山也

案近刻脫山字

東得

鴨蘭沿浦二口夏浦也江水左逕上烏林南

案此八字原本

及近刻並訛作經近刻上訛作止

村居地名也又東逕烏黎口江浦

也即中烏林矣又東逕下烏林南

案近刻脫下字

吳黃蓋敗

魏武于烏林即是處也江水又東左得子練口

案此九字

原本及近刻並訛作經

北通練浦又東合練口江浦也南直練

洲練名所以生也江之右岸得蒲磯口即陸口也水  
出下雋縣西三山溪其水東逕陸城北又東逕下雋  
縣南故長沙舊縣王莽之閨雋也宋元嘉十六年割  
隸巴陵郡陸水又屈而西北流逕其縣北北對金城  
吳將陸渙所屯也陸水又入蒲圻縣北逕呂蒙城西  
昔孫權征長沙零桂所鎮也陸水又逕蒲磯山北入  
大江謂之刀環口又東逕蒲磯山北北對蒲圻洲案近  
剌脫一亦曰擊洲又曰南洲洲頭即蒲圻縣治也晉  
北字

太康元年置洲上有白面洲洲南又有潞口水出豫  
章艾縣東入蒲圻縣至沙陽西北魚嶽山入江山在  
大江中揚子洲南孤峙中洲江水左得中陽水口又

東得白沙口

案此十四字原本及近刻並訛作經

一名沙屯即麻屯口

也本名蔑默口江浦矣南直蒲圻洲水北入百餘里  
吳所屯也又逕魚嶽山北下得金梁洲洲東北對淵  
洲一名淵步洲江濱從洲頭以上悉壁立無岸歷蒲  
圻至白沙方有浦

案蒲圻近刻訛作專政

上甚難江中有沙陽

洲沙陽縣治也縣本江夏之沙羨矣晉太康中改曰

沙陽縣宋元嘉十六年割隸巴陵郡江之右岸有雍

口亦謂之港口

案港近刻  
訛作流

東北流為長洋港

案為近  
刻訛作

之

又東北逕石子岡

案近刻東北  
下有流字

岡上有故城即州

陵縣之故城也莊辛所言左州侯國矣又東逕州陵

新治南王莽之江夏也港水東南流注于江謂之洋

口南對龍穴洲沙陽洲之下尾也洲裏有駕部口宗

景平二年迎文帝于江陵法駕頓此因以為名文帝

車駕發江陵至此黑龍躍出負帝所乘舟左右失色

上謂長史王曇首曰乃夏禹所以受天命矣我何德

以堪之故有龍穴之名焉江水又東右得聶口

案近刻脫

又字此八字原本及近刻竝訛作經江浦也左對聶洲江水左逕百人

山南

案此八字原本及近刻竝訛作經

右逕赤壁山北昔周瑜與黃

蓋詐魏武大軍處所也

案處所近刻訛作所起

江水東逕大軍

山南

案此八字原本及近刻竝訛作經

山東有山屯夏浦江水左逕

也江中有石浮出謂之節度石右則塗水注之水出

江州武昌郡武昌縣金山

案金近刻  
訛作泰

西北流逕汝南

僑郡故城南咸和中寇難南逼戶口南渡因置斯郡

治于塗口塗水歷縣西又西北流注于江江水又東

逕小軍山南

案此九字原本及  
近刻並訛作經

臨側江津東有小軍

浦江水又東逕雞翅山北

案此九字原本及  
近刻並訛作經

山東即

土城浦也

又東北至江夏沙羨縣西北沔水從北來注之

沔水上承沔陽縣之太白湖

案原本及近刻並脫沔  
字下同攷沔陽故城在

今漢陽縣西又近刻脫太字

東南流為泚水逕泚陽縣南注于江

謂之泚口有泚陽都尉治晉永嘉六年王敦以陶侃

為荊州鎮比明年徙林鄣江水又東逕歎父山南對

歎州

案此十二字原本及近刻竝訛作經

亦曰歎步矣江之右岸當鸚

鵝洲南有江水右逕謂之驛渚三月之末

案近刻之訛作以

水下通樊口水江水又東逕魯山南

案此八字原本及近刻竝訛作

經古翼際山也

案古近刻訛作右

地說曰漢與江合于衡北

翼際山旁者也山上有吳江夏太守陸渙所治城蓋

取二水之名地理志曰夏水過郡入江故曰江夏也

案近刻脫故曰江三字

舊治安陸漢高帝六年置吳乃徙此城

中有晉征南將軍荊州刺史胡奮碑又有平南將軍

王世將刻石記征杜魯事有劉琦墓及廟也山左即

沔水口矣沔左有卻月城

案此下近刻衍然字

亦曰偃月壘戴

監軍築故曲陵縣也後乃沙羨縣治昔魏將黃祖所

守遣董襲凌統攻而擒之

案凌原本及近刻並說作陸今據三國志改正禰

衡亦遇害于此衡恃才倜儻肆狂狷于無妄之世保

身不足遇非其死可謂咎悔之深矣江之右岸有船

官浦歷黃鵠磯西而南矣直鸚鵡洲之下尾江水澹

曰沃浦

案沃近刻  
訛作狀

是曰黃軍浦昔吳將黃蓋軍師所

屯故浦得其名亦商舟之所會矣船官浦東即黃鵠

山林澗甚美譙郡戴仲若野服居之山下謂之黃鵠

岸岸下有灣曰之為黃鵠灣

案近刻脫  
黃字下同

黃鵠山東北

對夏口城魏黃初二年孫權所築也依山傍江開勢

明遠憑墉藉阻高觀枕流上則遊目流川下則激浪

崎嶇寔舟入之所艱也對岸則入沔津故城以夏口

為名亦沙羨縣治也江水左得湖口水通太白湖

案近

刻脫

白字又東合瀨口水上承涓水于安陸縣

案涓近刻說作沔

而東逕灑陽縣北東流注于江

案流近刻說作南

江水又東

湖水自北南注謂之嘉吳江右岸頓得二夏浦北對

東城洲西浦側有雍伏戎江之右岸東會龍驤水口

水出北山蠻中江之左有武口

案近刻脫左字

水上通安陸

之延頭

案江水左得湖口至此原本及近刻竝訛作經

宋元嘉二年衛將軍

荊州刺史謝晦阻兵上流為征北檀道濟所敗走奔  
于此為戍主光順之所執處也南至武城俱入大江  
南直武洲洲南對楊桂水口江水南出也通金女大  
文桃班三治吳舊屯所在荊州界盡此江水東逕若

城南

案此七字原本及  
近刻竝說作經

庾仲雍江水記曰

案近刻  
脫水字

若

城至武城口三十里者也南對郭口夏浦而不常泛

矣東得苦菜夏浦浦東有苦菜山

案近刻  
訛作夏

江逕其北

故浦有苦菜之名焉山上有菜苦可食江水左得廣

武口江浦也江之右岸有李姥浦浦中偏無蚊蚋之患矣北對崢嶸洲冠軍將軍劉毅破桓玄于此洲玄乃挾天子西走江陵矣

又東過邾縣南

江水東逕白虎磯北山臨側江濱又東會赤溪夏浦

浦口

案浦近刻  
訛作二

江水右逕也又東逕貝磯北

案近刻  
貝訛作

具北  
作此

庾仲雍謂之沛岸矣江右岸有秋口江浦也

又東得烏石水出烏石山南流注于江江水右得黎

磯磯北亦曰黎岸也

案此十三字原本及近刻並截上八字訛作經下五字仍屬注

文又近刻脫一磯字

山東有夏浦又東逕上磧北山名也仲雍

謂之大小竹磧也北岸烽火洲即舉洲也北對舉口

仲雍作莒字得其音而忘其字

案近刻訛作事

非也舉水出

龜頭山西北流逕蒙龍戍南

案近刻脫蒙字

梁定州治蠻田

秀超為刺史舉水又西流左合垂山之水水北出垂山之陽與弋陽淠水同發一山故是水合之水之東有南口戍又南逕方山戍西西流注于舉水又西南

逕梁司豫二州東蠻田魯生為刺史治湖陂城亦謂  
之水城也舉水又西南逕顏城南又西南逕齊安郡

西倒水注之水出黃武山南流逕白沙戍西

案近刻  
脫流字

又東南逕梁達城戍西東南合舉水舉水又東南歷

赤亭下

案東南近刻作南東  
此句之下衍一又字

謂之赤亭水又分為二

水南流注于江謂之舉口

案近刻  
訛作洲

南對舉洲春秋左

傳定公四年吳楚陳于柏舉京相璠曰漢東地矣江

夏有汜水

案近刻  
脫江字

或作舉疑即此也左水東南流入

于江江澚曰文方口

案近刻脫一江字

江之右岸有鳳鳴口

江浦也浦側有鳳鳴戍江水又東逕邾縣故城南

案此

十字原本及近刻竝訛作經

楚宣王滅邾徙居于此故曰邾也漢

高帝元年

案近刻訛作三年

項羽封吳芮為衡山王都此晉

咸和中庾翼為西陽太守分江夏立四年豫州刺史

毛寶西陽太守樊俊共鎮之為石虎將張格度所陷

自爾丘墟焉城南對蘆洲舊吳時築客舍于洲上方

便惟所止焉

案近刻脫築字惟訛作謂

亦謂之羅洲矣

鄂縣北

江水右得樊口

案此六字原本及近刻並訛作經

庾仲雍江水記云

谷里袁口江津南入歷樊山上下三百里通新興馬

頭二治樊口之北有灣昔孫權裝大船名之曰長安

亦曰大舶載坐直之士三千人與羣臣泛舟江津屬

值風起權欲西取蘆洲谷利不從乃拔刀急上

案近刻訛

作止今取樊口薄舶船至岸而敗故名其處為敗舶灣

因鑿樊山為路以上人即名其處為吳造峴在樊口

上一里今厥處尚存江水又左逕赤鼻山南

案此九字原本

及近刻竝訛作經

山臨側江川又東逕西陽郡南郡治即西

陽縣也

案此十四字原本及近刻竝訛作經

晉書地道記以為弦子國

也江之右岸有鄂縣故城

案此九字原本及近刻竝訛作經

舊樊楚

地

案近刻訛作也

世本稱熊渠封其中子紅為鄂王

案紅字近刻作

之名某者四字當是後人因文有脫誤增成其語

晉太康地記以為東鄂矣

九州記曰鄂今武昌也孫權以魏黃初元年

案此下近刻衍

中字自公安徙此改曰武昌縣鄂縣徙治于袁山東又

以其年立為江夏郡分建業之民千家以益之至黃龍元年權遷都建業以陸遜輔太子鎮武昌孫皓亦都之皓還東令滕牧守之晉惠帝永平中始置江州傅綜為刺史治此城後太尉庾亮之所鎮也今武昌郡治城南有袁山即樊山也武昌記曰樊口南有大姥廟孫權常獵于山下依夕見一姥問權獵何所得曰正得一豹母曰何不豎豹尾忽然不見應劭漢官序曰豹尾過後執金吾罷也解圍天子鹵簿中後屬

車施豹尾于道路豹尾之內為省中蓋權事應在此

故為立廟也又孫皓亦嘗登之使將害常侍王蕃而

以其首虎爭之

案此句有脫誤裴松之引江表傳云使親近將蕃首作虎跳狼爭咋食之

北背大江江上有釣臺權常極飲其上曰墮臺醉乃

已張昭盡言處城西有郊壇權告天即位于此

案近刻脫

即顧謂公卿曰魯子敬嘗言此可謂明于事勢矣城

東故城言漢將灌嬰所築也江中有節度石三段廣

百步高五六丈是西陽武昌界分江于斯石也又東

得次浦

案近刻訛作又得東五丈又得次浦

江浦也東逕五磯北有五

山沿次江陰故得是名矣仲雍謂之五圻江水左則

巴水注之

案此八字原本及近刻竝訛作經

水出雩婁縣之下靈山

即大別山也與決水同出一山故世謂之分水山亦

或曰巴山南歷蠻中吳時舊立也于水側引巴水以

溉野又南逕巴水戍南流注于江謂之巴口又東逕

軼縣故城南

案此八字原本及近刻竝訛作經

故弦國也春秋僖公

五年秋楚滅弦弦子奔黃者也漢惠帝元年封長沙

相利倉為侯國城在山之陽南對五洲也江中有五

洲相接故以五洲為名宋孝武帝舉兵江州

案近刻訛作洲

建牙洲上有紫雲蔭之即是洲也東會希水口水出

濞縣霍山西麓山北有濞縣故城

案此二十字原本及近刻竝訛作經

地理志曰縣南有天柱山即霍山也有祠南嶽廟音

潛齊立霍州治此西南流分為二水枝津出焉希水

又南積而為湖謂之希湖湖水又南流逕軹縣東而

南流注于江是曰希水口者也

案水口近刻訛作口水

然水流

急濬霖雨暴漲

案近刻訛作病

漂濫無常行者難之大江右

岸有厭里口安樂浦

案此十一字原本及近刻竝訛作經

從此至武昌

尚方作部諸屯相接枕帶長江又東得桑步步下有

章浦本西陽郡治

案西近刻訛作南

今悉荒蕪江水左得赤

水浦

案此七字原本及近刻竝訛作經

夏浦也江水又東逕南陽山

南

案此九字原本及近刻竝訛作經

又曰芍磯亦曰南陽磯仲雍謂

之南陽圻一名洛至圻一名石姥水勢迅急江水又

東逕西陵縣故城南

案此十一字原本及近刻竝訛作經

史記秦昭王

遣白起伐楚取西陵者也漢章帝建初二年封陰堂

為侯國江水東歷孟家澁江之右岸有黃石山水逕

其北

案此十九字原本及近刻竝訛作經

即黃石磯也一名石茨圻有

西陵縣

案近刻此下有也字

縣北則三洲也山連延江側

案近刻延

訛作逕側  
訛作則

東山偏高謂之西塞東對黃公九磯所謂

九圻者也于行小難兩山之間為關塞

案此下近刻有也字

從

此濟于土復土復者北岸地名也

又東過蕲春縣南蕲水從北東注之

江水又得葦口

案葦近刻  
訛作常

江浦也浦東有葦山江水

東逕山北北崖有東湖口江波左迤流結成湖故謂

之湖口矣江水又東得空石口江浦在右臨江有空

石山南對石穴洲洲上有蘄陽縣治

案此下近  
刻有也字

又東

蘄水注之江水又東逕蘄春縣故城南世祖建武三

十年封陳俊子淳為侯國

案此下近  
刻有也字

江水又東得銅

零口江浦也大江右逕蝦蟆山北而東會海口水南

通大湖北達于江

案此下近  
刻衍水字

左右翼山江水逕其北

東合臧口江浦也

案近刻作矣

江水又左逕長風山南得

長風口江浦也江水又東逕積布山南俗謂之積布

磯又曰積布圻庾仲雍所謂高山也此即西陽尋陽

二郡界也右岸有土復口

案近刻訛作曰

江浦也夾浦有江

山山東有護口

案近刻口字訛在有護上

江浦也庾仲雍謂之朝

二浦也

又東過下雒縣北利水從東陵

案利近刻訛作刊下同

西南注之

江水東逕琵琶山南山下有琵琶灣

案此下近刻有也字

又東

逕望夫山南又東得苦菜水口夏浦也江之右岸富

水注之水出陽新縣之青湓山西北流逕陽新縣

案近

刻脫新字故豫章之屬縣矣地多女鳥玄中記曰陽新男

子

案陽新近刻  
訛作新陽

于水次得之遂與共居生二女悉衣

羽而去豫章間養兒不露其衣言是鳥落塵于兒衣

中則令兒病故亦謂之夜飛遊女矣

案夜飛近刻  
訛作飛夜

又

西北逕下雒縣王莽更名之潤光矣後併陽新

案近刻  
訛

作新水之左右公私裂溉咸成沃壤

案近刻  
脫成字

舊吳屯

所在也江水又東

案近刻又訛作口東字  
訛在下句右字之下

右得蘭溪

水口竝江浦也又東左得青林口

案此七字原本及  
近刻竝訛作經

水出廬江郡之東陵鄉

案水出上近  
刻衍即字

江夏有西陵縣

故是言東矣尚書云江水過九江至于東陵者也西

南流水積為湖湖西有青林山宋太始元年明帝遣

沈攸之西伐子勛伐柵青山覩一童子甚麗問伐者

曰取此何為答欲討賊童子曰下旬當平何勞伐此

在衆人之中忽不復見故謂之青林湖湖有鯽魚食

之肥美辟寒暑湖水西流謂之青林水又西南歷尋

陽分為二水一水東流通大雷一水西南流注于江

經所謂利水也右對馬頭岸自富口迄此五十餘里

岸阻江山案水經于沔水內敘其入江之後所過蓋與江水合沔之後詳略兩見今江水止于

中推縣而沔水內訂其錯簡又東過彭蠡澤又東過

晚縣南又東至石城分為二其一東北流又東北出

居巢縣南又東過牛渚又過毗陵縣為北江參以未

記禹貢山水澤地北江在毗陵北界東入于海下雒

水經注卷三十五